



Broj: 05-16-4-9796-7/17  
Sarajevo, 06. 12. 2017. godine

Na osnovu člana 25. i člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“ broj: 39/14), ministar pravde Bosne i Hercegovine, donosi

**O D L U K U**  
**o dodjeli ugovora u postupku javne nabavke**

**I**

Dodjeljuju se ugovor ponuđaču KMTRADE d.o.o. Visoko, Čaršijska bb, 71300 Visoko, u postupku javne nabavke uniformi, dijelova za uniforme i službenih oznaka za potrebe Odjeljenja sudske policije i Pritvorske jedinice Zavoda za izvršenje krivičnih sankcija Ministarstva pravde Bosne i Hercegovine, i to za lot 4 – kompleti za nošenje oružja i opreme, i zaključenje ugovora u vrijednosti 7.956,00 KM sa PDV-om.

**II**

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

**O b r a z l o ž e n j e**

Ministarstvo pravde Bosne i Hercegovine je Odlukom broj: 05-16-4-9796/17 od 31.10.2017. godine, pokrenulo otvoreni postupak nabavke uniformi, dijelova za uniforme i službenih oznaka za potrebe Odjeljenja sudske policije i Pritvorske jedinice Zavoda za izvršenje krivičnih sankcija, izvršilo objavu na portalu javnih nabavki Agencije za javne nabave Bosne i Hercegovine, i u Službenom glasniku BiH.

U ostavljenom krajnjem roku za dostavljanje ponuda za lot 4 – kompleti za nošenje oružja i opreme, pristigle su dvije ponude i to:

1. KMTRADE d.o.o. Visoko, Čaršijska bb, 71300 Visoko i
2. PLAN PLUS d.o.o. Zenica, Dr. Hasana Muminagića br. 2a, 72000 Zenica.

Nakon analize i procjene dokumentacije priložene uz ponude, Komisija za nabavke Ministarstva pravde BiH je utvrdila da ponuda ponuđača KMTRADE d.o.o. Visoko u potpunosti zadovoljava uslove utvrđene u tenderskoj dokumentaciji, a da ponuda ponuđača PLAN PLUS d.o.o. Zenica ne zadovoljava uslove utvrđene tenderskom dokumentacijom, te se kao takva smatra neprihvatljivom.

Naime, Komisija je utvrdila da tačkom 3.3.1. tenderske dokumentacije propisano je koje je dokaze ponuđač bio obavezan dostaviti u svrhu dokazivanja tehničke i profesionalne sposobnosti u skladu sa članom 49. Zakona o javnim nabavkama, tačnije u svrhu dokazivanja da ponuđena roba u potpunosti ispunjava minimalne tehničke zahtjeve propisane tehničkim specifikacijama Aneksa 2A i Aneksa 2B tenderske dokumentacije. Pa je tako tačkom 3.3.1.b) propisano da je ponuđač obavezan dostaviti Izvještaje (ATESTE) akreditiranog organa za kontrolu kvaliteta o izvršenoj vizualnoj i laboratorijskoj kontroli dostavljenih uzoraka u odnosu na opšte i tehničke zahtjeve i propisane standarde kvalitete navedene u tehničkim specifikacijama Aneksa 2A i Aneksa 2B tenderske dokumentacije, koji moraju biti plombirani od strane mjerodavnog organa za kontrolu kvalitete i iz kojih je vidljivo da ponuđena roba u potpunosti ispunjava minimalne tehničke zahtjeve propisane tehničkim specifikacijama ove tenderske dokumentacije.

Slijedom rečenom, Komisija je utvrdila da ponuđač PLAN PLUS d.o.o. Zenica nije dostavio tražene Izvještaje (ATESTE) akreditiranog tijela za kontrolu kvaliteta o izvršenoj vizualnoj i laboratorijskoj kontroli dostavljenog uzorka za komplet za nošenje oružja i opreme.

Shodno gore utvrđenom, a u skladu sa članom 68. stav (1) Zakona o javnim nabavkama, Komisija je konstatovala da se ponuda ponuđača PLAN PLUS d.o.o. Zenica odbacuje, jer je ponuđač dostavio nepotpune dokaze ispunjavanja uslova iz člana 49. Zakona o javnim nabavkama.

Slijedom gore rečenog, te shodno navedenom u Zapisniku o ocjeni ponuda broj: 18.6-16-4-10144/17 od 22.11.2017.godine (u prilogu), Komisija je jednoglasno preporučila ministru pravde BiH da u predmetu nabavke uniformi, dijelova za uniforme i službenih oznaka za potrebe Odjeljenja sudske policije i Pritvorske jedinice Zavoda za izvršenje krivičnih sankcija Ministarstva pravde Bosne i Hercegovine, i to za lot 4 – kompleti za nošenje oružja i opreme, donese Odluku o dodjeli ugovora ponuđaču KMTRADE d.o.o. Visoko, Čaršijska bb, 71300 Visoko, sa ukupnom cijenom od 7.956,00 KM sa PDV-om.

Istovremeno, Komisija naglašava da je u skladu sa tačkom 3.1. tenderske dokumentacije ponuđač KMTRADE d.o.o. Visoko dostavio Izjavu, popunjenu i ovjerenu kod mjerodavnog organa za ovjeravanje, da se na njega ne odnose slučajevi definirani tačkom 3.1. od a) do d) tenderske dokumentacije (Aneks 3). S tim u vezi, kao odabrani ponuđač, obavezan je dostaviti dokumente u svrhu dokazivanja činjenica potvrđenih u spomenutoj Izjavi, a koji su pobrojani tačkom 3.1.2. tenderske dokumentacije, te na način kako je to propisano tačkom 3.1.3. tenderske dokumentacije.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 10 (deset) dana od dana kada je primio Odluku, odnosno Obavještenje o rezultatima.

Prilog:

- Zapisnik o ocjeni ponuda.

Dostaviti:

- Ponuđači (x2),
- a/a.

